

東華續錄

道光八

臣王先謙敬編

臣周潤
淪蕃恭校

秋七月戊辰吏致光以疾免以陸以莊爲左都御史

由署吏部
右侍郎遷

○

辛未以故順承簡郡王倫柱子春山襲爵○庚辰以直隸霸州等

十州縣被淹較重飭撥銀米先行撫恤○飭山東巡撫琦善認真

撲捕蝻孽○壬午撥京倉米五萬石給五城平糶○癸未免直隸

嘉慶十八年軍需攤廉未扣銀七十餘萬兩○乙酉諭內廷向存

各省道府名單以備查閱朕因歷年已久不符者居多將名單另

鈔一分面交軍機大臣等諭令查明更換並未向奏事處太監等

提及一字乃曹進喜妄逞己見輒敢在勤政門外向軍機大臣等

查問聲稱吏部疲玩詞色俱屬經軍機大臣等面奏朕特派繇課

汪廷珍那清安將太監曹進喜面訊據曹進喜供認係伊自出主見令吏部開單送伊閱看前欲定以期限如到期不換伊須查問並欲向兵部堂官要武職各冊等語我朝列聖相承家法極爲嚴肅太監不過供宮廷灑掃奔走之役從不許干預朝政所以杜漸防微者至深且遠曹進喜在內廷參養多年於伊職分內不應辦之事輒敢越分干預出言無狀實屬狂妄可惡之至此風斷不可長曹進喜著革去五品總管交乾清門總管太監重責二十板另派差使並將此旨載入宮中見行則例○分設京城外蘆溝橋四處飯廠並飭直隸被水各州縣設廠煮賑○丁亥諭載銳係成哲親王之嫡曾孫著襲封成郡王縣懷係成哲親王之庶子已封爲二等鎮國將軍縣總亦著加恩晉爲二等鎮國將軍以示朕篤念本支惇敘懿親至意○直隸總督蔣攸銑奏請速發大賑經

費得旨直省連年水潦皆朕不德不能上感天和致我無辜赤子
荐受災荒何忍觀此景象惟有返身修己盡力拯濟庶救顛沛之
危但國家經費有常雖重帑用之於百姓原不稍爲吝惜若令奸
胥猾吏趁機吞取則大不可卿受國家任用厚恩且才能素著任
事實心必須妥爲經理俾災黎均霑實惠奸猾不得侵漁斯爲不
負委任而朕用入亦光顏面矣勉之又勉○戊子移安徽潁州府
驛口橋捕盜同知駐艾亭集爲撫民總捕同知並增把總一改前
裁之鳳陽府司獄爲巡檢並增外委一均駐宿州時村集增潁州
營方家集亳州營張村鋪宿州營夾溝驛外委各一○己丑撥部
庫及各關稅銀一百八十萬兩備直隸賑需並永定河工需○河
南漳河溢○庚寅諭御史趙柄奏請敕停各省停止分發佐雜人
員一摺向來佐雜等官因部中銓選較難照例分發各省試用揆

次輪補嗣以歷年分發既多各該省人浮於缺日形壅滯節經直隸山東河南山西陝西江蘇等省奏請暫停分發均已降旨准行原因該員等一經分發在省差委各督撫隨時甄覈其通品才具固所深悉補缺後既得及時自效亦可造就人材將來漸次疏進仍照常辦理並非使各省遞相倣效永遠停止著如該御史所奏令各督撫設法調劑不得請停分發是佐雜等選期本屬遙遠分發到省又復擁擠至數百人之多守候至數十年之久旅進旅退得缺無期甚非所以恤微末而權選政也所奏著無庸議○壬辰諭國家設官分職內外並重外省道府州縣等官固有察吏安民之責在京各部院司員綜覈外省奏咨事件政務殷繁亦須明幹勤慎方資治理乃近年以來各省督撫率請將衰庸之員以京職改補將來人數增多必致庶司曠課於吏治大有關係嗣後外任

道府以下知縣以上各官如有才具平常及年老衰邁者著該督撫等遵照定例甄別改簡降補及勒令休致禁不得奏請以京職改補儘違例請改該部卽奏明更正仍將該督撫照例議處其從前改補京職各員並著各該堂官留心察看如有衰庸不能勝任者卽隨時激汰不得稍事姑容至因病解退之外任官員病起補時果不准呈請改補京職以歸畫一○諭軍機大臣等該部直隸水利營田觀察使陳儀著有直隸河渠志於職制諸本局校討源而於永定河議論尤詳又據御史余文幹等陳儀文集進呈內載文安河隄事宜四河兩淀私議永定引閘下口私議治河條陳篇似有所見陳儀籍隸文安又身預水利諸事於畿輔水陸地形知之較悉惟自雍正年間迄今幾及百年其間水道通塞分合或不免今昔之殊而援古證今足資採取朕前派張文浩等會同蔣

攸銛將南北運河並永定大清溝沱各河情形悉心查勘通籌金局近又命張文浩曾同蔣攸銛辦理永定河堵築事宜特發去直隸河渠志一冊及陳儀文集直隸河道事宜一本著蔣攸銛等詳悉查閱以備考證該督等務須酌古準今計出萬全以副朕求水利保衛民生之至意○癸巳命五城先期兩月開賑○廣西平樂府通判爲平樂縣縣丞駐沙子河○乙未鎮江縣水災免各關商米稅銀○丙申免河南應陽川楚及衛家軍帶銀四百六十餘萬兩○是月給江西德化縣湖北黃梅縣江蘇太倉等十七州縣賑水災一月口糧加賑直隸通州等二十一州縣水災八月丁酉朔再減撥江西九江等三幫漕米備直隸賑需○戊戌諭本日據吏兵二部奏請酌定失察鴉片煙條例鴉片煙一項流毒甚熾總由地方官查拏不力所致向來地方官止有嚴懲賭博

之例並無議處失察之條且止查禁海口洋船而於民間私熬煙片未經議及條例尚未周備嗣後如有洋船夾帶鴉片煙進口並奸民私種罌粟熬熬煙膏開設煙館文職地方官及巡查委員如能自行拏獲究辦免其議處其有得規故縱者仍照舊例革職若止係失於覺察按其煙片多寡一百斤以上者該督大員罰俸一年一千斤以上者降一級留任五千斤以上者降一級調用武職失察處分亦照文職畫一辦理其文武官拏獲煙斤議敘均著照舊例行至滇省迤西迤東一帶將罌花熬爲鴉片必須嚴爲禁止著該督撫嚴飭地方官曉諭居民不准私種罌粟以淨根株○己亥初舉經筵上詣傳心殿行禮御文華殿經筵幸文淵閣賜講官及聽講諸臣茶復賜宴於本仁殿自是以爲常○庚子命孫玉庭委員採買四川湖廣江西米石備安徽災區平糶○癸卯

復松筠頭品頂帶○乙巳諭軍機大臣等御史程藩奏直隸貧民出口謀生請敕各關口詢明來歷放行一摺所奏甚是向例民人出口憑票放行原以杜奸匪而嚴管餉至遇饑饉之年貧民車載襁負或依倚親族或出口傭趁亦屬事所恒有從前乾隆嘉慶年間辦理荒政俱聽其出口謀生係一時權宜之政此等窮黎勢不能紛紛請票但當問明來歷並詢其將往何處役止卽行知所往地方俾得有所稽覈本年直隸災區較廣如該御史所奏風聞各處關口留難向阻一槩不准放行該民人甫抵關門又復長途紆折其情極爲可憫該督接奉此旨卽迅速行知直隸所屬各關口除商賈行旅及形迹可疑之人仍照舊例驗票放行外其實係覓食災民止須問明來歷以備稽查毋得槩行攔截俟來歲春融情願回籍耕種者卽任其復業可也○壬子諭軍機大臣等前據

蔣攸銑片奏此次恭辦大差未便仍照往年借資民力見給發銀兩敬謹辦理至冬春需用車輛俟取自民間州縣不能全數賠墊亦應量予津貼共需銀十萬兩先於運庫生息項下借墊分年攤廉歸還等語以批示依議妥辦矣朕思力役之徵從古所有我朝自聖祖仁皇帝以來列聖相承凡遇闕陵及熱河秋獮巡幸盛京恭謁祖陵諸大典或每歲舉行或間歲舉行皆不能不借資民力卽間有偏災如嘉慶六年之水我皇考仁宗睿皇帝於此年七月仍舉行熱河秋獮之典彼時未聞累及閭閻亦未有借資捐廉之事誠以直隸民賦本輕偶遇災荒則蠲緩賑恤有加無已厚澤深仁至優極渥卽偶用民力亦分所宜然本年直隸被水朕恫瘝在抱不惜帑金發給至一百八十萬兩之多截留漕糧前後共五十五萬石又撥奉天粟米十五萬石軫念民依不爲不

厚若如該督所奏竟不借資民力於庫項先行撥墊該廉還款是
廢力役之徵並未從長計較試思各官養廉爲數無多如以差必
扣勢必致無廉可領辦公竭蹶成何政體且此後調 陵狀獮必
應次第舉行該省地方官無廉可扣又將以何項攤捐且庫項亦
不能源源接濟所謂惠而不知爲政朕不料蔣攸銛亦復如此蔣
攸銛所奏是否體察本年被災情形權宜辦理抑遂得援爲成例
摺內並未詳悉聲敘殊屬含混此次姑從所請依議妥辦斷不可
通行貼示以致日後杆格難行蔣攸銛接奉此旨須速爲畫務
思朝廷大體經久可行毋爲目前之計此後宜如何設法籌辦方
妥之處著行明白覆奏尋奏借款辦理大差係體察各員情形權
宜辦理報聞○甲寅命蘆溝橋等四廠外添設二廠前折米散放
○乙卯以浙江杭州等三府屬水災免海運商米船稅並留各關

稅銀備賑○是月賑安徽無爲等十六州縣水災給河南洛縣等十三縣水災一月口糧並修屋費江蘇江浦等六縣水災一月口糧緩徵河南武陟等十五縣水災雹災新舊額賦湖北黃梅縣水災錢糧展緩河南蘭陽等三縣歉收新舊額賦並儀封廳灘租九月丁卯撥浙江鹽庫銀三十萬兩買米平糶○戊辰諭將攸鈺奏請派員查勘紅花隄缺口一摺直隸元城縣境衛河與山東館陶接壤向有紅花隄一道以禦漳衛二河北來之水嗣因漳河漫徙水無倒灌其隄段久已殘廢迨復經修建後上年豫省漳河漫水下流由大名元城直達紅花隄潰決隄埝由館陶注入衛河若將漫口堵築恐瀝水無從疏洩元城縣北鄉村莊皆成澤國若不築復則館陶縣村莊又受其害事關兩省民田廬舍必須熟籌妥議以資經久著派大學士戴均元馳驛前往該處確切勘辦務令

兩無妨礙方爲盡善至內黃縣屬袁村地方因缺口多年將地畝刷成河形見在贖運商民各船隻均以實公河淤塞改從新刷河道行走有無阻礙並著詳加查勘後順道赴河南會同程祖洛將漳水見復東漫民埝不能捍禦宜如何設法宣洩以利修防之處悉心籌議據實具奏○己巳命浙江暫弛海禁招商赴臺販米○壬申命浙江平糶倉穀○癸酉免領運奉天賑米船帶商米二成稅○乙亥諭和孝固倫公主朕之姑也自幼仰承 皇祖高宗純皇帝鍾愛最篤嘉慶年間 皇考仁宗睿皇帝疊加 恩眷至爲優渥本年春間遭疾朕屢次遣人存問方期刻日就痊茲聞薨逝實深憫惻著賞給陀羅經被派惇親王帶領侍衛十員卽日前往奠醊朕於本月十四日親臨賜奠所有喪事一切官爲經理並派賢泰在彼妥爲照料以示優卹○丁丑永定河漫口合龍○以黃

鳴傑爲浙江布政使調吳榮光爲湖北按察使以伊里布爲浙江

按察使

由山西冀南道遷

○調嵩溥爲江西布政使潘恭辰爲廣西布政

使○辛巳撥部庫及江蘇各庫銀一百萬兩備江蘇賑需○壬午

上奉

皇太后啟鑾謁

西陵○免經過地方額賦十分之三

○丙戌

上謁

泰陵

泰東陵

昌陵回鑾○

丁亥免直隸通

州等二十七州縣水災額賦○己丑

上臨奠端憫固俱公主園

寢及故大學士朱珪墓○

上奉

皇太后還京師○庚寅命五

城飯廠加米煮賑○賜故大學士朱珪曾孫甘霖舉人○壬辰諭

軍機大臣等戴均元奏朕勘直隸元城縣北境紅花隄見在內外

地畝全行涸出業經補種麥苗據戴均元率同該道府等逐勘履

勘有大缺口一處約長四十丈係上年漳河漫水沖缺其餘歷年

漫開大小缺口尚有六七處惟漳河上游從何處漫缺下注必須

將來路究明方可疏治著臧均元於馳抵河南安陽縣後會同程祖路親歷上下確切查勘應如何設法籌辦據實奏明辦理至元城境內引河一道由府城東南隅至何家莊穿隄入衛河身窄狹易於衝潰該民人情願自行改挖著知會直隸總督卽飭元城縣將河身挑直量加展寬以暢其流其紅花隄缺口下有新刷水溝由館陶之徐家倉入衛五百餘丈該處地勢較窪著將溝槽挑成河道以期分流洩水並建築東西兩隄俾免旁溢其開溝築隄之處皆係民田著覈計地畝豁免錢糧給還地價需用公費卽飭該管知府確估借帑興修事竣攤徵還款○以松筠爲吉林將軍穆彰阿爲左都御史調裕恩爲戶部左侍郎奎照爲吏部右侍郎以多福爲刑部右侍郎

由左副都御史遷

○是月賑直隸通州等四十州縣

山東臨清等五州縣水災加賑江西德化縣湖北黃梅縣河南武

陟等五縣水災給江蘇儀徵等四縣湖北江陵等三縣水災口糧
並修屋費蠲緩山東臨清等十六州縣衛直隸薊州等五十州縣
水災新舊額賦河南武陟縣湖北黃梅縣水災額賦及屯坐各衛
應徵新舊額賦並給修屋費緩徵江西德安等十三縣額賦直隸
昌平等三十州縣新舊糧租長蘆被水課銀展緩齊齊哈爾等四
城應還貸糧

冬十月癸卯諭戴均元等奏會勘新刷衛河一摺前因內黃縣袁
村地方將地畝刷成河形見在鹽運商民各船均改從新河行走
經朕特派大學士戴均元曾同恠祖洛將有無妨礙之處詳加查
勘茲據奏稱衛水向係經寶公河下注因漳水挾洄而來將衛水
頂阻旁決袁村今漳水業經北趨改由慶豐莊歸入正河其寶公
河上游止係洄水較前此漳洄合流衝衛情形迥異衛水自袁村

決口刷有河槽則漳衛分流輕減水患實爲可乘之機自應通籌全局開治新河惟衝刷處所閒有淤淺兩岸亦恐旁溢應行挑挖深通並築隄捍衛著一併相機妥辦其瓠子觜東岸溝形一道偶遇漲水卽由龍王廟地方歸入正河著於該處築鉗口壩夏開冬閉以備宣蓄惟內黃縣境東袁村等村漫水穿村行走居民難免浸灌著於東袁村大晁村疏濬支流將村口正流堵塞其大杜村之水無支流可引著於該村前後築隄捍衛旁溢支流悉行堵閉使全溜俱歸正河所有新河經由處所除直隸境四十餘里黃河故道本無錢糧外其餘行糧民地久經水衝沙壓雖未咨請豁免而歷年錢糧多係緩徵著自道光三年爲始將河身所占地畝應徵錢糧並前此歷年緩徵錢糧均確查題請豁免其築隄占用民地亦著照公占田地之例給予地價工程經費見據該商等呈請

捐輸著直隸總督長蘆鹽政會同程祖洛委員確查籌辦俾衛河

久遠暢行以奠民居而利商運○己酉以武隆阿爲內閣學士兼

禮部侍郎銜

前任西甯
辦事大臣

○鑒安徽關稅及捐監銀十萬兩前本省

耗羨銀備無爲等三十三州縣備賑需○奉直隸龍江等關稅銀

三十三萬兩備江蘇太倉等四十七州縣備賑需○壬子分青海

蒙古河北二十四旗爲左右翼每翼添設正副盟長各一每六旗

設扎奇噶克齊一每三旗設梅楞一每旗設扎勤一○癸丑內閣

學士徐頤以病免○甲寅帥承瀚奏浙商捐銀備賑 上不許仍

准應完各款加展五綱○鑒浙江運庫銀三十萬兩備海甯等二

十州縣備賑需○乙卯賜張儀寵等五十三人武進士及第出身

有差○丙辰加恩舊學增故內閣學士徐頤侍郎銜子祭葬賞其

子綸舉人○添設河南睢甯廳屬陽汛額外委一○庚申諭戴

東華續錄

道光八

九